

SERVIZO DE FESTAS

ASUNTO: PUBLICACIÓN DUN ANUNCIO PERMANENTE NA “WEB MUNICIPAL” E NA “PLATAFORMA DE CONTRATACIÓN DO SECTOR PÚBLICO” CO OBXECTO DE QUE TODAS AS EMPRESAS PROMOTORAS DE ESPECTÁCULOS E CONCERTOS POIDAN PRESENTAR PROPOSTAS AO SERVIZO DE FESTAS PARA OS PROGRAMAS QUE CONLEVAN ACTUACIÓNS ARTÍSTICAS TALES COMO: “ENTROIDO” E “VIGO EN FESTAS”.

ANUNCIO

O Servizo de Festas do Concello de Vigo informa a todas as empresas promotoras ou organizadoras de eventos, espectáculos, concertos ou actuacións artísticas que estean interesadas en presentar as súas propostas ao Servizo de Festas para os programas “VIGO EN FESTAS” e “ENTROIDO” que poden facelo a través do Rexistro Electrónico do Concello de Vigo. As ditas propostas terán que reunir os seguintes requisitos mínimos:

- 1.- Que sexan de interese xeral e dean cobertura a unha maior diversidade de público obxectivo posible, atendendo como mínimo ás seguintes tipoloxías:
 - Concertos de rock (nacionais ou internacionais);
 - Concertos de pop (nacional ou internacional) para todos os públicos;
 - Concertos de música Indie (nacionais o internacionais)
 - Concertos ou espectáculos destinados ao público xove (nacionais o internacionais);
 - Concertos de música tradicional ou folk,
 - Concertos destinados ao público familiar (nacionais ou internacionais);
 - Espectáculos diversos para todos os públicos.
 - Espectáculos ou concertos infantís destinados ao público infantil e familiar.
- 2.- Que cada espectáculo ou concerto seleccionado ofrezca unha expectativa de asistencia de público mínima de dez mil persoas, para as propostas ao Auditorio ao aire libre de Castrelos cuxo aforo é de quince mil (cinco mil na platea e dez mil na grada).
- 3.- As datas das actuacións e a dispoñibilidade do/s artista/s sexa compatible co calendario do programa “Vigo en Festas” que é entre o 15 de xullo e o 15 de agosto e para o “Entroido” que ten lugar en datas variables entre febreiro e marzo de cada ano.
- 4.- No caso dos espectáculos que teñan lugar no Auditorio ao aire libre de Castrelos, os “managers” dos artistas terían que aceptar as características especiais da venda de entradas do recinto: 5.000 entradas a prezos populares e 10.000 prazas de acceso libre e gratuíto. No caso dos espectáculos para o Entroido o acceso será libre xa que teñen lugar na rúa.
- 5.- As condicións técnicas (“riders”) dos espectáculos terían que adaptarse as características do escenario de Castrelos.
- 6.- As promotoras ou empresas organizadoras de eventos terán que poder presentar a exclusividade do artista proposto cando lle sexa requirida.
- 7.- Os espectáculos seleccionados non poderán supoñer ningún risco para o público asistente. Evitaranse aqueles que propoñan pirotecnia ou montaxes complexas que poda afectar a seguridade do público.

Unha vez recibidas as proposicións no Servizo de Festas e tras a súa valoración, farase unha proposta que permita o inicio da tramitación dos expedientes administrativos correspondentes para a contratación artística das propostas seleccionadas polo procedemento negociado sen publicidade por razón de exclusividade artística.

LG

A Xefa do Servizo de Festas, Luz María González Domínguez

CONFORME, A Concelleira de Festas e Turismo, M^a Carmen Lago Barreiro



Copia do documento - Concello de Vigo

Data impresión: 08/11/2019 11:17

Páxina 1 de 1

Expediente 8193/335

CSV: 29E5CC-CBD7AA-CA465B-LDLSCA-QM9CQG-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>